

# ПРЕЗИДЕНТ ШАНХАЙ ҲАМКОРЛИК ТАШКИЛОТИ САММИТИНИНГ НОРАСМИЙ ТАДБИРЛАРИДА ИШТИРОК ЭТДИ

31 август куни Ўзбекистон Республикаси Президенти Шавкат Мирзиёев рафиқаси билан бирга Тяньцзинь шаҳридаги “Мэйцзян” конгресс марказида Шанхай ҳамкорлик ташкилоти саммитининг норасмий тадбирларида иштирок этди.



Тадбирларда Хитой Халқ Республикаси Раиси Си Цзиньпин, Россия Федерацияси Президенти Владимир Путин, Беларусь Республикаси Президенти Александр Лукашенко, Ҳиндистон Республикаси Бош вазири Нарендра Моди, Покистон Ислом Республикаси Бош вазири Шайбоз Шариф, Эрон Ислом Республикаси Президенти Массуд Пезешкиён, Қозоғистон Республикаси Президенти Қосим-Жомарт Тоқаев, Қирғиз Республикаси Президенти Садир Жапаров, Тожикистон Республикаси Президенти Эмомалӣ Раҳмон, Туркия Республикаси Президенти Режеп Таййип Эрдоған, Туркменистон Президенти Сердар Бердимухамедов, Озарбайжон Республикаси Президенти Илҳом Алиев, Мўғулистон Президенти Ухнаагийн Хурэлсух, Миср, Камбоджа, Непал, Арманистон ҳукуматлари раҳбарлари ҳамда Бирлашган Миллатлар Ташкилоти Бош қотиби Антониу Гутерриш ҳам қатнашди.

Давлатимиз раҳбари ва рафиқасини Хитой Раиси Си Цзиньпин ва рафиқаси самимий кутиб олди.

Шундан сўнг хорижий етакчиларга Шанхай ҳамкорлик ташкилотининг Тяньцзинь саммитига бағишланган концерт дастури намойиш этилди.

ЎЗА

# БАРҚАРОРЛИКНИ МУСТАҲКАМЛАШ ЙЎЛИДАГИ МУҲИМ ҚАДАМ

Ўзбекистон Президенти Шавкат Мирзиёев 31 август – 1 сентябрь кунлари Хитойнинг Тяньцзинь шаҳрида бўлиб ўтадиган Шанхай ҳамкорлик ташкилотининг (ШХТ) навбатдаги саммитида иштирок этади.



Шанхай ҳамкорлик ташкилоти бугунги кунда энг йирик ва нуфузли халқаро ташкилотлардан бирига айланган. Шанхай ҳамкорлик ташкилоти 2001 йилда ташкил этилганидан буён дунё аҳолисининг 40 фоиздан ортигини ва жаҳон ялпи ички маҳсулотининг тўртдан бир қисмини бирлаштирган нуфузли халқаро тузилма сифатида қисқа вақт ичида ўзини намойён қилди.

Бугунги кунда ШХТ оиласига 10 та аъзо давлат, 2 та кузатувчи ва 14 та мулоқот бўйича ҳамкорлар қиради. Бу эса унга Осиё, Европа ва Африканинг кенг ҳудудларини қамраб олиш имконини беради ва шу орқали хавфсизлик, иқтисодий, транспорт, энергетика ва гуманитар алоқалар соҳаларида ишонч ва ҳамкорлик маконини яратди. Шундай қилиб, ўсиб бораётган гео-

сиёсий нотинчлик шароитида ШХТ муҳим барқарорлаштирувчи омил бўлиб, дунёга тенг ҳуқуқли ҳамкорлик ва барча иштирокчилар манфаатларини ҳисобга олишнинг ўзига хос моделини таклиф қилмоқда.

Ўзбекистон Президенти Шавкат Мирзиёев ШХТнинг Остона саммитида “Шанхай руҳи”нинг ўзгармас қадрияти — ишонч, тенглик ва маданий хилма-хилликка ҳурматни алоҳида қайд этди. У, шунингдек, ташкилотнинг кучи консенсус, қўшилмаслик ва дунёга очиқлик асосида қарорлар қабул қилишида эканини алоҳида таъкидлади. “Ҳозирги кунда ШХТ ҳамжиҳатлиги заифлашишига йўл қўймаслик муҳимдир. Биз “ШХТ оиласи” жипслигини кучайтиришимиз, биргаликда ривожланиш тамойиллини ҳаётга изчил татбиқ этиб, очилаётган янги имкониятлардан максимал даражада фойдаланишимиз зарур”, деди давлатимиз раҳбари.

Ўзбекистон ташкилотнинг таъсисчи давлатларидан бири сифатида анъанавий тарзда фаол позицияни эгаллаб, ўзаро ишончни мустаҳкамлаш ва амалий ҳамкорликни ривожлантиришга қаратилган ташаббусларни илгари сурмоқда. Минтақавий хавфсизликни таъминлаш масалаларига алоҳида эътибор қаратилмоқда: Тошкент терроризм, экстремизм, наркотрафик ва трансмиллий жиноятчиликка қарши курашда сазй-ҳаракатларни мувофиқлаштиришни изчил қўллаб-қувватлайди.

Давоми 4-бетда

# САМИМИЙ ҚУТЛОВЛАР

Мамлакатимиз мустақиллигининг 34 йиллиги муносабати билан Ўзбекистон Республикаси Президенти Шавкат Мирзиёев номига хорижий давлатлар, парламентлар ва ҳукуматлар, етакчи халқаро ва минтақавий ташкилотлар, йирик корпорация ва компаниялар раҳбарлари, таниқли сиёсатчилар, жамоат ва дин арбобларидан самимий қутловлар келмоқда.



Ўзбекистон Республикаси  
Президенти Шавкат Мирзиёев  
Жаноби Олийларига

Ҳурматли Шавкат Миромонович!  
Мамлакатингизнинг миллий байрами — Мустақиллик куни муносабати билан самимий табриқларимни қабул қилгайсиз.

Ўзбекистон ижтимоий ва иқтисодий соҳаларда улкан муваффақиятларга эришди, жаҳон майдонидаги нуфузи тобора ортиб бормоқда, минтақавий ва халқаро кун тартибидagi кўплаб муҳим масалаларни ҳал этишга амалий ҳисса қўшмоқда.

Давлатларимиз ўртасидаги муносабатлар стратегик шериклик ва иттифоқчилик руҳида жадал ривожланмоқда. МДҲ, ШХТ ва бошқа кўп томонлама тузилмалар доирасида сазй-ҳаракатларни самарали мувофиқлаштириш йўлга қўйилган.

Ишончим комилки, биз бундан буён ҳам Россия билан Ўзбекистон ўртасидаги ўзаро манфаатли алоқаларни барча йўналишларда ҳар томонлама ривожлантираимиз. Бу дўст халқларимиз манфаатларига, Марказий Осиёда хавфсизлик ва барқарорликни мустаҳкамлаш мақсадларига тўла мос келади.

Сизга, муҳтарам Шавкат Миромонович, мустаҳкам соғлиқ ва муваффақиятлар, барча юртдошларингизга фаровонлик ва равақ тилайман.

Ҳурмат билан,

Владимир ПУТИН,  
Россия Федерацияси Президенти



Ўзбекистон Республикаси  
Президенти Шавкат Мирзиёев  
Жаноби Олийларига


Ҳурматли Президент жаноблари!  
Ўзбекистон Республикаси мустақиллигининг 34 йиллиги муносабати билан Сизга ва дўст Ўзбекистон халқига самимий табриқларим ва энг эзгу тилақларимни изҳор этишга ижозат бергайсиз.

Сизнинг раҳбарлигингизда Ўзбекистон иқтисодиёти жадал ривожланмоқда, халқнинг турмуш даражаси юксалмоқда, мамлакат дадил қадамлар билан стратегик мақсад — Янги Ўзбекистонни барпо этиш сари бормоқда. Бу дўст ва қўшни, ҳар қандай шароитда стратегик шерик сифатида Хитойни беҳад қувонтиради.

Жорий йил июнь ойида Остонада бўлиб ўтган учрашувимизда икки мамлакатнинг ҳар томонлама ҳамкорлиги бўйича муҳим қелишувларга эришилди. Хитой ва Ўзбекистон ўртасидаги икки томонлама муносабатларни янада ривожлантириш бўйича янги режа тузилди. Сиз билан сиёсий ўзаро ишончни узлуқсиз чуқурлаштириш, бир-биримизни қатъий қўллаб-қувватлаш, ривожланиш стратегияларининг ўзаро боғлиқлигини мустаҳкамлаш, “Бир макон, бир йўл”ни биргаликда сифатли барпо этиш бўйича сазй-ҳаракатларни амалга оширишга тайёрман.

Ўзбекистон Республикасига куч-қудрат ва равақ, унинг халқига бахт-саодат ва фаровонлик тилайман.

Си ЦЗИНЬПИН,  
Хитой Халқ Республикаси Раиси



Ўзбекистон Республикаси  
Президенти Шавкат Мирзиёев  
Жаноби Олийларига

Ҳурматли Президент жаноблари!  
Америка Қўшма Штатлари халқи номидан Сизга ва Ўзбекистон халқига мамлакатингиз мустақиллигининг 34 йиллиги муносабати билан энг эзгу тилақларимизни йўллайман. Бу унинг тарихи ва бой маданиятини эслаш учун қувончли сабабдир.

Ўзбекистон мустақилликка эришганидан буён мамлакатларимиз ўртасидаги жадал стратегик шерикликка ҳисса қўшадиган муҳим ислохотларни давом эттирмоқда. Биз умумий манфаатларимизни илгари суриш, жумладан, чегараларимизни мустаҳкамлаш, икки томонлама савдо ва инвестицияларни кўпайтириш, диний эркинлик ва минтақавий барқарорликни таъминлаш йўлида биргаликда салмоқли ишларни амалга оширдик.

Қўшма Штатлар мавжуд алоқаларни мустаҳкамлаш ва ўзаро манфаатли ҳамкорликнинг янги имкониятларини очишга умид қилмоқда. Сизга ва фуқароларингизга Мустақиллик байрами муносабати билан бахт-саодат ва энг эзгу тилақларимни билдираман.

Ҳурмат билан,

Дональд ТРАМП,  
Америка Қўшма Штатлари Президенти

Давоми 2-, 3-бетларда

## Ислохотлар амалда

Ўзбекистонда кейинги йилларда кечаётган туб ўзгаришлар, шиддатли ислохотлар ва инсон қадрини улуғлашга қаратилган сазй-ҳаракатлар ҳақида гап кетганда, аввало, бир нарсани теран ҳис этиш жоиз. Бу жараён ўз-ўзидан содир бўлмади.

## АВЛОДЛАР ТАҚДИРИГА ДАХЛДОР СТРАТЕГИК ЎЗГАРИШЛАР

Ислохотлар ортида қатъий сиёсий ирода, халқ манфаатини устувор қўйган давлат раҳбарининг стратегик қарашлари ва энг муҳими, миллатнинг ўзгаришга иштиёқи мужассам, десак муболага бўлмайди. Таъбир жоиз бўлса,

биргина Ҳаракатлар стратегияси доирасида йигирма беш йилда қўлга киритилмаган натижалар, ютуқларга эришилди.

Давоми 5-бетда

## Одамлардан тинглаб ҳикоя...



ЯНГИЧА РУҲ — ЯНГИЧА ЯШАШ  
ЮТУҚЛАР САРИ  
ПАРВОЗЛАРИМИЗ  
МАҲАЛЛАДАН БОШЛАНМОҚДА









